

Zebarri?

U R L A T I K L A N D E T A R A

ESKORIATZA ETA LEINTZ GATZAGA / Egubakoitza / 2003ko urtarrilaren 20a / 110. zenbakia

KOORDINATZAILEA: Aintzane Gardoki • Durana 11 20550 ARETXABAETA • Tel.: 943 79 86 21 • Faxe: 943 77 18 54 • Posta elektronikoa: zebarri@goiena.com • Lege gordailua: S5200/99

Xanti Iparragirreri omenaldia egin zioten herriko eta ibarreko lagunek

AINTZANE GARDOKI

Joan den zapatuan, *Euskal Herrian libre bizitzeko eskubidea* lelopean manifestazioa egin zuten Eskoriatzan. 500 lagunek, herriko kaleetan zehar ibili ondoren, Xanti Iparragirreri ongietorria egin zioten plazan. Xantik gustura jaso zuen herritarren berotasuna.

Joan den zapatuan Askatasunak antolatutako manifestazioan "lasaitasuna eta elkartu zen jende mordoia izan ziren aipagarrienak", esan digu Ezker Abertzaleko kide Lore Diaz de Gereñuk. *Euskal Herrian libre bizitzeko eskubidea* zioen pankarta eroan zuten manifestazioan. "Jende artean zen Xanti Iparragirre bera. Herriko kaleetan zehar ibili ginen". Ibilaldia amaituta, plazara jo zuten. Eta plazan, 22 urte herritik kanpo egon den Xanti Iparragirreri ongietorria egin zioten: "Xantik bizitza luzean eginda-koak gogoratu genituen: herriko sokatira taldearen sustatzaile izan zela; zinema zaharrean antolatzen ziren ekitaldi askoren eta askoren bultzatzaile izan zela; Almen Ikastolako Bertso Eskolaren



AITOR URIZAR

Euskal Herrian libre bizi izateko aukerarik ez dutenak gogoratu zituen bere hitzekin Xanti Iparragirrek.

sortzaileetarikoa izan zela... Herriko dantzariak eta txistulariek aureskua eskaini zioten, eta Edorta Zubizarreta alkateak herriaren izenean txapela eskai-

ni zion Xantiri". Etixerat, Askatasuna eta Bai Euskal Herriari taldeek ere egin zioten hainbat eskaintza. Era berean, Jon eta Aitor Sarasuak eta Manex Agirrek

ere ongietorria egin zioten, bertsoan; eta, bukatzeko, Xantik eskerrak eman, eta oraindik ere egoera latzean lagun asko daudela gogoratu zien herritarrei.

Lasaitasuna eta elkartu zen jende mordoia izan ziren manifestazioaren aipagarrienak

Herriko dantzariak aureskua eskaini zioten. Alkateak, herritarren izenean, txapela eskaini zion

Oraindik ere egoera latzean lagun asko daudela gogoratu zien Xantik han batutakoei



Etxebizitzak egiteko lanak hasi dituzte

Jose Arana eskola zaharrak zeuden leku berean hasi dituzte etxebizitzak egiteko lanak. Udaloste Kooperatibak 32 etxebizitza egingo ditu eta Aizorrotz promotoreak, berriz, beste 11. Aizorrotz promotorearen izenean Emilio Arrizabalagak esan digu lanak hasita daudela, eta 18 hilabeteren buruan etxebizitzak entregatzeko moduan izango direla. Udaloste Kooperatibako etxebizitzak, berriz, Bikani eraikuntzak egingo ditu. Etxe guztiak salduta daude, eta urte bi barru amaituko ei dituzte lanak.

LABUR

Olazar elkarteak batzordekideak aldatu ditu

Zortzi lagunek osatzen dute Olazar elkartearen batzordea. Batzordekideek lau urte egiten dituzte batzordean, baina bi urtean behin batzordea berri egiten dute; hau da, lau batzordekide batzordea utzi eta beste lau kide sartzen dira. Hala, Pablo Oñatek, Carlos Navarrok, Mari Carmen Erañak eta Eloy Rivasek batzordea utzi dute. Eta hauexek dira batzordekide berriak: Rufina Beitia, Lola Galiano, Vitoriano Del Rio eta Pedro Mari Armendariz.

TELEFONOJAKINGARRIAK

ESKORIATZA

Udaletxea.....	943 71 44 07
Udal bulegoak.....	943 71 45 32
Udaltzaingoa.....	943 71 44 07
Euskaltegia.....	943 79 21 68
Kultura etxea.....	943 71 46 88
Gizarte laguntzailea.....	943 71 31 36
Kirol etxea.....	943 71 53 28
Liburutegia.....	943 71 31 35
Luis Eceiza.....	943 71 53 56
Jose Arana Almen Ikastola.....	943 71 44 86
Almen.....	943 71 49 07
Museo Eskola.....	943 71 54 53
Axtroki.....	943 71 40 77
HUHEZI.....	943 71 41 57
Osakidetza.....	943 71 44 52
Telesko.....	943 71 49 17
Taxiak.....	943 71 40 59

BESTELAKOAK

Eskualde ospitalea (Arrasate).....	943 00 53 00
Gurutze Gorria (Bergara).....	943 76 55 76
Ertzaintza (Arrasate).....	943 79 71 99
Suhiltzaileak (Oñati).....	943 79 28 00
Renfe (Zumarraga).....	943 72 15 15
Renfe (Gasteiz).....	945 23 20 30
PESA (Arrasate).....	902 10 12 10
Larrialdiak (Arrasate).....	943 77 10 43
SOS Deiak.....	112

OHARRAK

'BELLA MAKIA BELLA' ANTZERKIA ETA XABIER MONTOIAREN KONTZERTUA

Gazte Asanbladak antolatuta, gaur, egubakoitza, *Bella Makia Bella* antzezlan eskainiko dute, gaztetxean, 19:00etan. Eta bihar, zapatua, Xabier Montoiak diskoa aurkeztuko du, gaztetxean, 22:00etan.

'EL HOMBRE QUE CONFUNDIÓ A SU MUJER CON UN SOMBRERO' ANTZERKIA

Gaur, egubakoitza, Ramon Bareak zuzendutako ikuskizuna, HUHEZIKo Fakultateko areto nagusian, 22:30ean. Sari ugari irabazi ditu antezlan horrek.

AXTOKIRENAGENDA

DEBAGUNEK BEKADUNA IZANGO DU AURRERANTZEAN


Ibarreko euskara elkarteak, hau da, Debagunek, HUHEZI fakultateko ikasle bat izango du aurrerantzean, elkartean hainbat lan egiteko.

HEZKUNTZA

Bateratze juridikoaren gainean Arizmendik informazioa zabaldu du

AINTZANE GARDOKI

Irailaren 1ean, Almenek eta Arrasateko San Viatorrek, San Frantziskok eta Umezaintzak ikastola bakarra osatuko dute: Arizmendi Ikastola. Urtebete baino gehiago daramate bakarra balira bezala lan egiten, baina juridikoki pausoa emateko dagoenez, gurasoei prozesua zelakoa izango den azaldu diete Arizmendiko arduradunek. Hala, Almen Kooperatibako presidente Iñaki Bordesek lau ikastolak bateratzearen aldeko arrazoiak azaldu zituen Almen gunean. Haren ondoren, Txaro Iraetak bateratze juridikoa posible egiteko eman beharreko pausoen gainean egin zuen berba. Prozesua aurrera eramateko, ezer baino lehen, otsailaren 19an, kooperatiba bakoitzeko errektore kontseiluek egungo kooperatibak desegin eta Arizmendi onartu beharko dute kooperatiba bakar bezala.



Hiru mila ikaslerekin Euskal Herriko ikastola handiena izango da Arizmendi.

TXUTXUMUTXUA



San Sebastiani gorazarre egin zioten 130 umek

Donostiara joan beharrik ez da egon oraingo astean danbor hotsak entzuteko; izan ere, gogotik astindu dituzte herriko umek danborrak. Astelehenean, Luis Ezeizako 130 ume elkartu ziren danborrada jotzeko. Laz Artistika orduetan egin zituzten jantzi dotoreekin batailoia osatzen zuten hiru konpainiek San Sebastianen ereserkia eta diana jo zituzten, besteak beste. Hamahiru urte badira Luis Ezeiza Herri Eskolan danborrada egiten hasi zirela. Danborrariak gurasoengandik txalo zaparrada ederrak jaso zituzten. /A.G.

LABUR

Herriko gazteek euren webgunea diseinatu dute

Eskoriatzako Gazte Asanbladaren gaineko edozein informazio eskuratu gura duenak www.eskoitzako-gaztetxia.tk helbide elektronikoa du aukera. Astebete inguru da herriko gazteen webgunea sarean dela. GAKo kide Joseba Gabilondok diseinatu du webgunea. Hala, www.eskoitzako-gaztetxia.tk helbidean hainbat aukera daude Gazte Asanbladaren gainekoak jakiteko. Zazpi atal ditu, baina, oraingoz, agenda eta txata daude erabiltzeko moduan.


Otsailean ikastaro gehiago egiteko deialdia Amuskak

Eskulan, olio-pintura, ehoziri eta sukaldaritza ikastaroak antolatu ditu Amuska taldeak. Otsailaren lehenengo astean hasi gura dute ikastaroekin. Urtarrila bitartean, 80 lagunek egin dituzte eskulan, ehoziri eta olio ikastaroak: "Ikastaroekin jarraitu gura dugu eta, era berean, jende gehiagori aukera eman. Sukaldaritza ikastaroa ere egin gura dugu", esan digu Dorleta Lezetak. Izena emateko, urtarrilaren 28an eta 29an, kultura etxean, 18:00etatik 19:00etara.

Kiroldegiko prezioek %3 egin dute gora

Hilaren 21ean, kiroldegia 1.102 bazkide zituen. Urtarrila mugimendu handiko hilabetea izaten da kiroldegietan; izan ere, batzuk bazkide egiten dira eta beste batzuek bazkide izateari uzten diote. 2003an, kiroldegiko prezioek %3 egin dute gora. Berritasunen artean, herritarrei ibarreko edozein kiroldegitako zerbitzuak erabiltzeko aukera ematen dien txartel bateratua jarri dute abian. Informazio zabalagoa, kiroldegian bertan.

BEIRALAN KRISTALDEGIA



- Ispilu bizelatuak
- Ateentzako beirateak
- Beirate grabatuak eta landuak
- Bainugelako altzari eta manparak
- Neurri zehaztetarako armairuak
- Enmarkazioak
- Lantegietako mantenimentua
- Beiran naiz metakrilatoan neurrira eginiko edozelango lanak

Herriko plaza, 8 behea • Aretxabaleta • 943 79 81 78 / 670 997 274

COMPOSTELA Taberna

Olagarro espezialitatea

San Pedro 12
ESKORIATZA
943 71 48 70

AZKOAGA

ESTANKOA

943 71 48 77
Zure Zerbitzura



Aranburuzabala, 22 behea
ESKORIATZA
Tfnoa.: 943 71 51 20

Garro jauregian garbiketa lanak egin dituzten arren, ludoteka itxita dago

AINTZANE GARDOKI

Garro jauregian urtarrilaren 11n suak eragindako kalteei aurre egin guran, lanean hasi dira dagoeneko: Toki Eder elkartean hondakinak kentzeko lanak joan den astean egin zituzten. Eta ludotekako eta liburutegiko garbiketa lanak egin badituzte ere, itxita daude oraindik.

Joan den astelehenean, hilaren 13an, aseguru etxeko peritua 48 ordu lehenago suak eragindakoak aztertzen ibili zen. Hurrengo, Udalak egin beharreko lanen aurrekontua aurkeztu beharko dio aseguru etxeari. Adostasuna lortuaz bat, Garro jauregian lanak hasteko moduan izango dira.

Leintz Gatzagako Udaleko apa-jadore Marian Aristik jauregian izandako kalteen aurrebalorazioa egingo du. Udaleko apa-jadoreak suak lehen eta bigarren solairuen artean eragindako kalteak ikusi zituen joan den astean, eta, ahal bezain laster, egin beharreko lanen aurrekontua aurkeztuko du Leintz Gatzagako Udalean.

Ludotekan eta liburutegian, berriz, Garbitu enpresak egin beharreko garbiketa lanak egin zituen.



Udaleko langileek Toki Eder elkarteko hondakinak kendu zituzten.

ENEKA ZANCADA

Dena dela, Leintz Gatzagako udal-letxean esan digutenez, umeendako lokala lehenbailehen zabaldu

gura dute, baina jauregian argia noiz konponduko zain daude. Horrenbestez, argiketariak argin-

darra jartzen dutenean, ludoteka eta liburutegi zerbitzuak zabalduko dituzte.

Adostasuna lortuaz bat, Garro jauregian lanak hasteko moduan izango dira

Ludotekan Garbitu enpresak egin beharreko garbiketa lanak egin zituen joan den astean

Argindarra jartzen dutenean, ludoteka eta liburutegi zerbitzuak zabalduko dituzte

TXUTXUMUTXUA



Umeek Igeriketa ikastaroa egin dute aurreko bi asteotan

Egun hauetan, eskolako umeek motxilan bainujantzia, uretarako txanoa eta txankletak izan dituzte lagun; izan ere, joan den astean eta oraingotan, Eskoriatzako lagunekin batera Igeriketa ikastaroa egin dute. Ume batzuk beste batzuk baino hobeto moldatzen dira uretan, baina, orokorrean, denak oso gustura ibili direla esan digu Eskoriatzako begiraleak. /A.G.

LABUR

Erretiratuek ez ei dute Santa Ageda egunean kantatuko

Gatzagako erretiratuen elkarteko kide batek adierazi zigunez, aurten, erretiratu koadrila batek asmoa zeukan Santa Ageda egunean baserriz baserri eta herrian bertan kantuan eta eskean ibiltzeko. Han eta hemen, gainera, Santa Ageda kantua letrak eta askotariko bertsoak ere topatu dituzte. Entseguren bat edo beste ere, irrintzi eta guzti, egin ei dute. Orain, berriz, herriko elkarteak ere ez daukatenez, animuak hoztu egin direla jakinarazi digute.

LENIZ, C.B. KONPONKETAK

LENIZ
ESKORIATZA

TXAPA, MARGOA
eta MEKANIKA

Aingeru Ibiltokia, z/g. • Tfnoa.: 943 71 50 61

Ze barri?

Izan zaitetz zeu ere berriemaile!

Zure taldearen, auzoaren, elkartearen... gainera informazioa emateko, deitu gurerara!

943 79 86 21

ALZA

- Sukaldeko Bateriak
- Lapiko Lasterrak
- Zartakin eta Paeilaontzi itsasgaitzak

Aingeru Ibiltoki 3
Tel.: 943 71 31 29 Eskoriatza 20540

Aretxabaleta eta Eskoriatzako

Gremioen Gida

Zure etxearen osasun onerako



ESKORIATZA

RADIO
ELECTRICIDAD
LEGAZPIA

"R.E.L.E."

Gotzon Beitia Lazkano

Denda:

Santa Ana 17, Eskoriatza
Tfnoa-Faxa: 943 71 41 65

Tailerra:

Santa Ana 12, Eskoriatza
Tfnoa-Faxa: 943 71 41 12

AITZORROTZ
elektronika

- Telebista, audio
- eta bideo salmenta
- eta konponketa
- Instalazio elektrikoak
- Atezain automatikoak
- Antena kolektiboak
- Informatika

Aitzorrotz elektronika Tel.: 943 79 16 10
Otalora, 14 ARETXABALETAK

AIDE GAS S.L.

Loramendi 8, Aretxabaleta.
Tel.: 943 71 27 73 / 605 71 27 05

**Gasa • Berogailuak
Bainuak • Iturgintza**

PINTURAS



ESKORIATZA

- Pintura orokorrean
- Fatxaden pintatzea
- Iztukuak, eta abar

Olaeta 2, 1-ek. ESKORIATZA
Faxa: 943 77 07 92. Sakelakoa: 605 772 769



Jon Axpe Oyanguren

**OYANGUREN
Iturgintza**

Aranburuzabala 15
ESKORIATZA
Tel.: 943 71 47 14
606 007 369
f.oyanguren@ctv.es

- Iturgintza •
- Gasa •
- Berogailuak •
- Peetrolio-produktuak •
- limatizazioa •

L. GONZALEZ

PINTURAK

Pintura orokorra eta enpapelatua

Araba ibilbidea 24, 3-D
ARETXABALETAK
686 113 581 / 943 79 65 46

**TXOMIN
igeltserotza
ARETXABALETAK**

ERREKABARREN 20
607 739 835 / 943 79 63 94



Instalazioen mantenumendu osoa
**Berokuntza • Gasa
Aire girotua • Haizeztatzea**

Basabe industrialdea B-3. Aretxabaleta.
Tel.: 943 77 19 88. Faxa: 943 79 59 97

Dintura eta dekorazioa



Gimbert

San Migel 13, behea C
ARETXABALETAK
609 143 119



MUSAKOLA
Pinturak

Durana 27, 3. solairua
ARETXABALETAK
Tel. 943 77 08 16 / 635 72 31 50

**ARETXABALETAK
ITURGINTZA**

Durana, 16-Tel.: 79 17 53
ARETXABALETAK

**J.J. ITURGINTZA
IRURE**

URA
GASA
KALEFAKZIOA

MITARTE-15
ARETXABALETAK

943 793 187



ASTEBETE...

Eta zuk, zer duzu esateko?

Kexak, proposamenak, albistek... utzi zure mezua gure erantzungailuan: 943 71 23 93



Ikusiko
duzu!

Egubakoitzero,
20:30ean eta 22:30ean

Aurkezlea:
Goiatz Arana